

諸暨縣志

6817
:9



諸暨縣志

卷二十六

文苑人物六

蒼頡始書周文稱郁於祭其英牙籤繡牘青條森
森芳蕤馥馥仰觀古人予膺所服列文苑傳第六

宗

黃育

補遺比部宗卿子也原名渥字潤甫後更名

育分寧黃庭堅字曰茂達而為之說說文志熙寧

間以比部廕謁選與庭堅為鴈行時亦以文潞公

薦改著作佐郎相持汴岸置酒贈詩聲名甚著終

言聖果六
廣西提刑多平反嶺外至今尸祝之

劉仲懷 竹派山陰人元祐間徙居諸暨善畫墨竹

筆法師文湖州

元

申屠性 舊志字彥德少為本州吏敏茂積學黃文

獻公潛判州事見而奇之授以為學之要性益奮

勵至正甲申與同里王賀並舉副榜因改榜其所

居之坊曰聯桂歷歛貴溪教諭月泉山長著有春

秋大義子溶浦江戴良有申屠先生墓誌銘又送屠彥德七首俱載藝文志子微

傳隱逸

錢恒 隆慶駱志字九成號退菴氣岸清高淹貫經

史論辨古今人物治忽人不能更一詞詩格迥麗

所著有灌園集

孟性善 萬歷紹興府志載五世孫當元末博洽有

大志熟諳孫吳所著有雅齋集

楊維翰 兩浙名賢錄字子固畫為柯九思所推紫

桃軒雜綴楊維禎之兄善寫竹石墨蘭妙絕一時

萬歷紹興府志維翰歷饒州雙溪書院山長所著

言暨鼎志 卷二十六
有光嶽集穉濟錄藝苑畧

申屠震 隆慶駱志申屠澂傳澂居花亭時龍泉鄉
有申屠震工詩詞婉義正為邑人所重紹興府志
申屠震稽山書院山長

黃源 隆慶駱志字子達號松壑順帝至元中遊京
師以書法精妙試奎章閣典書轉典籤遂歿

王季楚 宋濂王季楚哀辭王仲淮季楚其父良嘗
檢校浙江行中書政成謁迭京師時季楚年方二
十餘請從行既至有多季楚才者薦其名遼東行

中書授季楚大寧路儒學正未幾以病卒檢校君
哭之甚哀其甥方泗來為濂言濂竊悲之初濂見
季楚於泗家眉目秀整每言輒牽引史傳幾若貫
通者辭曰冥冥元化孰尸其權胡予其才而不予
其年

明

張世昌 楊維禎竹枝詞集字叔京詩善比事多喜
效排律至百餘韻不哀晚學益進詩益工搜求舊
作輒焚之隆慶駱志元時為本州訓導洪武七年

復任本縣教諭善著述詩尤工霽霈汪洋莫窺其際見重於金華宋濂

鄭賀 楊維禎竹枝詞集字慶父於十七史名臣皆能默識其朝代世家爵里及其後人之賢否覆視無一差者文有橫溪史鈔若干條詩有詠史自鼎湖訖清風嶺凡二百餘首傳於人

陳嘉謨 隆慶駱志字文徽志寧子少有師傳詩文清麗北遊燕都翰苑交譽奏補國子生從容學易風致灑然洪武初辟為本學教諭弟嘉績從子韶

陳嘉績 隆慶駱志字思繹受知虞文靖公得其指授為文有師法詩學陶淵明春容簡古時外舅王良宦顯嘉績不事仕進閉戶窮理學世故淡如也

陳韶 隆慶駱志字伯善洪武初任山陰縣學訓導為詩古體平淡直逼鮑謝而唐律尤精同邑張辰稱其老成文獻為邑人最嘗自題其像曰雖窮而無怨雖困而知學懼違乎君子之為思進乎古人之覺罹世患之多艱味道腴而可樂夫豈俯仰而求無愧作者與所著有苔軒集

張辰 隆慶駱志字彥暉萬和孝子後經術文章表裏鬱茂一時紀載皆出其手洪武初太守唐鐸辟為郡學訓導泮屬諸生晝夜不倦卒于官所著有草廬稿

紹興府志明太祖時諸儒應聘而起在諸暨則陳嘉謨陳韶張辰入叅史局出樹師模蓋彬彬盛矣

姜漸 舊志字羽儀神姿朗徹性冲約嗜學遊楊維禎之門視漸所論次嘆曰異日當為師門立赤幟也元末兵興學者多荒思耗業而漸乃修飭不怠以包函雅量見重于時洪武初與同郡謝肅諸名儒應聘纂修禮書授太常博士

駱問孝 萬一樓外集字舜傳號深山亦號玉亭弱

冠充儒學生貧不得志因教授於四方然恥干謁對人未嘗言貧始客溧陽玉陽史少卿家叔父驥年友也遇之甚厚餽遺無算每辭多而受少小不如意即辭而歸歸不數日迎者在門復去遇之如初性好施每抵家席未暖而所得略盡史氏多賓客問孝與雜處師友其善者而愛禮其不能故學業日進好吟詩沉着有法度泰州近山王使君為

邑大夫品之與從弟問禮齊名

駱問禮寤語序

寤語者從兄舜傳晚年雜詩也兄自題如此然而語寔非寤也君子

曰似孟東野嗟夫千金之子求一言之幾於道而不可得即庭言寤也而么麼者傳其說貞孤之子兢兢于義即寤言真也而夸毗者以為暗此兄之所以自列于寤也而不佞序之亦寤也

陳于朝

苧蘿山藁行實陳方伯性學子字叔達改

字孝立號凡四更曰翦溟長離了因飲冰或嘲之

曰子何數化之無常耶倏而鵬倏而鳳倏了因而

遐登倏飲冰而受命凡數易而猶然故我實之不

實名焉用之答曰論吾本來名字不立即呼我為

朝而非我也穴風川月總出一機禽魚砂礫具有

佛性不啻為鵬為鳳為苾芻之侶為受命之使即

呼我為牛馬為蟲臂為鼠肝為塵埃矢溺而未始

非我也弱冠究心宗旨乃勉就舉子業精悍之思

每主先秦而奴六朝扶班馬之精而溢之楮端讀

罷或鳴琴擊劍品竹吹笙以自娛後亦棄去不復

作州時即交知名士與山陰徐文長渭為忘年交

不啻盛孝章之於孔北海臨池之業則得于文長

者為多以故筆端斐亶奇幻雜之文長楮墨間幾

令人不知孰為孫叔敖也四明緯真屠隆稱以文

中麟鳳道中貌貅雲間眉公陳繼儒贈之以詩其

聯云一簾紅雨留春燕五色丹鉛校異書生平好

作古文辭有苧蘿山藁自為序如漂母祠誰把干

竿王孫一飯飽登壇漢王推伍公廟劍底濤聲震

食原非易何似重瞳早瞞難江干魄欲昇

君王如酒觀廟貌隔吳城長安道中重繭赴長安尚是山人氣

朝逢官長來暮見瑞貂騎荷杖聽民謠送父早朝

出作入游戲帝力那可忘時時道中記

宮怨遙聽鶯聲達建章止拖春韻入昭陽諸首八

歲以前所詠子亢侯章侯章侯

謹按苧蘿山藁序之者蕭山來道之斯行然王季

重集中有苧蘿山藁序為本集所不載今為載入

藝文志張夜光公舉事實字元珠號炎止又號無夜崇禎

癸酉登順天鄉薦授南直隸鳳陽府推官少學於

樓萃陽兼師萃陽兄黃谷見張炎止立文或頃刻

就或月計歲計不肯輕下一筆主司葛徵奇為之

序曰語不自欺性有獨存所著有點花堂集北遊

草苧蘿志

陳克建章志字明臺好學篤行手注五經博覽左

國史漢知縣陳允堅提學蘇濟皆首拔之以明經授華亭訓導時諸生如徐孝廉孚遠陳給諫子龍李中翰雯宋中丞徵輿皆出門下陞羅源教諭尋病卒子光域字咸玉迭貢不仕

楊肇祿 公舉事實字道百邑諸生少與從兄安慶知府肇泰齊名雲間陳卧子以節推署邑篆為虛左待之范文白陶山課藝選錄為多晚年受徒為經師著有易解參義

國朝

鄺祖仁 公舉事實字蒼舒號九乘康熙庚午舉于鄉甲戌以麟經魁會榜授應山令未幾卒官其為文洋洋數千言氣盛而高下皆宜詩不假雕琢自饒丰韻卒後十餘年同年友汪公澐督學兩浙為刻其詩文名九乘遺稿

邊信 公舉事實字聖林由邑庠食餼考選明經生平著述悉本經史邑中名士多出其門詩法尤精嘗有青春鳥哺情慙缺白首嬰啼血未乾之句

許爾秀 公舉事實字卓人由邑廩生拔貢力敦古

行篤志好學諸子百氏罔不通曉而精研孔孟奧旨學者得其片言咸成佳士所著有同山稿子芳椿郡庠生亦能文

趙式

公舉事實字去非邑諸生其為人豪而約疎

狂而真善屬文工詩尤工詩餘所著有蛩窻文集別腸詞選

魏良

弟湘

公舉事實字仲長別字廬南家貧苦志

力學其友駱炎訪之見木榻蕭然無卧具怪之良曰吾藉寒凍以鍊文心耳當風嗥雨歎漏盡鐘鳴

良輒嗚嗚以哭哭已復讀如是者數年文日進太倉王公首拔為邑上舍生曲阜顏學山先生督學兩浙尤加激賞時駱賢名與之埒號越中二雋皆不售嘗舉羅昭諫我未成名卿未嫁可憐俱是不如人之句相諧謔聞者悲之及死且無子論者為擬之唐方干當賜以孤魂及第所著有五經疑問四子書發微廬南文稿弟湘字季芳自號紅蘭老人善畫工花鳥草虫間仿陳老蓮出之真贋莫辨

駱炎

象山縣志

諸暨貢生雍正六年任品行高潔

工文公舉事實字則宣號楓山以廩貢選授象山
訓導行文刊落羣言力追先正然不拘格律如春
蠶作繭觸物便成故所投輒合歷試第一刻有歷
試草行世壬午秋賦邑侯朱宸同考薦之以元既
中後場被外簾斥乙酉秋賦邑侯趙倓同考復以
元薦既中後場復被外簾斥如是者三炎與魏夏
善名亦蘄驂先後寄館於山陰朱翰編阜家尊禮
尤至海昌陳相國元龍聞炎名延為弟子師設座
坐炎南嚮諸弟子分列東西相國北嚮坐請講春
秋春王正月炎為備陳諸說而衷於一是相國肅
然起敬及秉鐸象山致仕崔邑侯龍雲舉鄉飲酒
禮炎為大賓

壽致潤

公舉事實字兩六號南湖生而天分異人

康熙癸酉舉解元丙戌成進士入翰林院為庶吉
士授檢討鄉試舉考官為山東顏光燾尤推文章
知己嘗曰他人見得達不得惟致潤達得在翰苑
應接甚繁致潤五官並運酬答如飛

毛鈺

公舉事實字孟涵號式湄壬午膺鄉薦丙戌

授南宮出宰蒲江三年卒官鈺久於諸生湛深經術妙言語塵揮所及一座皆傾所著有銅官雜咏四書文稿大中魯論講義行世

余懋杞

弟懋楠子銓

公舉事實字建偉號玉京毓

湘子侍御縉孫也未冠食餼康熙乙酉登浙榜副車戊子順天鄉試中式授內閣撰文中書舍人未官而卒以子文儀貴贈如其官懋杞性孝友父善病懋杞搔摩痛癢寢則屏息躡足侍立其旁至夜分不敢退與兩弟式好無間言其家風也讀書為

文章若金錫之在冶既經鎔鑄一歸瑩粹詩宗少陵嘗與諸名流結詩巢於鑑曲春秋佳日觴咏其中所著有東武山房詩文合集藕香草堂詩集石唵錄刻舟集行於世弟懋楠懋棟楠字鄧林號東原惇樸有行亦工詩著有玩花草堂集懋棟自有傳子銓字明臺號石颿雍正壬子中本布政司鄉試出無錫華希閔之房華故名士有特鑿是科暨邑中式者二其一為樓西甸卜岐時稱雙璧銓性好古文奇字喜吟咏會稽徐廷槐嘗評其詩文曰

石駟古文初喜孫樵劉蛻卒追兩漢逡巡於韓歐之間詩凡三變少學溫李中年宗王孟後出入於香山眉山不名一家所著有石駟慚餘石駟悔存石駟詩草文核等集

壽奕磐

兄

奕文

公舉事實

字景安號佳峯生而資

介異人行文如韓潮蘇海為督學山左顏公光燾

所賞嘗取奕磐文刻之試牘中吳禮部士玉篋中

集亦多載奕磐文自是名益著康熙戊子以廩生

舉於鄉壬辰成進士入子史菁華館會吳禮部督

學直隸延為總裁品題高下悉當後謁迭得湖廣

光化令甫抵任以疾卒初奕磐夢一神語之曰汝

王介甫後身也汝名暗藏石字汝字明露安字此

其驗矣奕磐心惡之及疾篤嘆曰介甫不作相第

以文名世亦復何惡兄奕文字景潤號桐坡著有

桐坡制義與弟奕磐競奕奕文敦行尤篤顧不能

詩又貌寢及謁迭典銓政者嫌其通悅因改教卒

於金華學諭

蔣宣奇

公舉事實

字永公晚號敬齋為文獨闢新

言暨鼎志 卷三十一
徑不襲常言學使周公清源以異才目之辛卯舉
孝廉連上春官不售益肆志於古名場宦海視之
泊如也少與中表余懋杞相切劘山陰宋俊稱淹
博碩獨服奇學識多採其論載入柳亭詩話所著
有敬齋文稿百梅草堂詩集文集

周晉 公舉事實字接三號超然力學嗜古舉丙午
鄉薦座師陳萬策稱對策第一同榜中錢曰布筆
妙天下名甚噪而晉以腹笥匹之人為品錢以賈
君房而品周為邊孝先云晉頗究心理學邑令張
長庠贈詩有濂溪家學深講貫得正脉之句所著
有國風論周禮論續四勿箴朱陸異同辨四書體
行集

錢曰布 公舉事實字載錫號玉缸年十四以第一
人入邑庠丙午中浙省鄉試有十莖草堂時文稿
行世會稽魯曾煜序之曰布帛菽粟隋珠和璧山
陰徐廷槐序之曰三變元雲九成絳雪還淳方蔡
如序之曰洗硯湘江削筆衡山其推重如此曰布
敦厚周慎如龍伯高之為人能使後進有所矜式

同學解經有紛紛聚訟者得曰布一言無不折服
 孫司馬巡撫安徽那尚書總督浙閩先後以禮聘
 之使子弟受業焉議論有裨於時事者兩公採之
 入

奏輒報可代集不存所著有大中條貫知非集詩古文
 十卷

傅學沆 公舉事實字太冲號莫菴一號拙齋乙卯

副車第一癸酉舉解元積學好古五經無雙尤喜

以詩鳴所著有莫菴詩近族王露為之序曰拙齋

之詩以王孟高岑為宗而出入于二杜二李艷不

傷靡健不流僻其於此事也深矣於載籍多所發

明既乃條舉心得分經史雜類四種各三卷曰游

衍錄如論十亂中婦人非邑姜錄云十亂中婦人

朝國母夫子決無漫呼婦人之理且此十大致

如漢之雲臺唐之凌烟舉其勲業最高者言之齒

及壺德無乃不倫竊謂婦人亦大也史稱大姬好

祀用史巫從媯滿會王師于豐水以伐紂至今鄆

縣七里有胡公泉即大姬治師處國語肅慎氏之

貢矢以分大姬既有功開國自應與周召畢散
 連類而及韓昌黎據衛氏古文以蔬食菜羹衣解
 婦人為殷人謂為膠鬲說亦未的
 作衣 錄云月令記王衣大戴禮記乃衣剝衣盧諶
 祭法稱夏祀秋祀皆用衣衣乃諸菜之首古

人者別言男子而
 豈是漫呼且
 見春秋紀婦姜
 齊乎如此說則亦
 漫呼

瓜為重祭其於
字之文義豈
不通乎此種謬
此誣前人以誤後
其弊不小情志
石輒為採入是亦
辨黃籀者矣

已存畫字之說何
批駁

秋繼詩亡而作故起
平王東遷平王上距
五七世如謂穆王之時
詩亡則春秋集作于
王之世實是疑說
誤為母此是俗
可本註何必深

九五典之厚如
謂必欲醉也不
浩露不醉無歸
且云誤解試問
作何解已無所
不好指摘前人
不可不天
人因社而蒐故公往
斗先儒請守之解亦
說况又觀女云字不
又從而為之辭
邪之稱四字本傳
以列字則作支者
而運用耳支人如
也豈能一此
本作諸誤籍

人特重之論語雖蔬食菜羹亦言由蔬食三宿出

菜羹之輕以及衣之重聖人祭無不敬也

燕入齊聞畫邑人王蠋賢劉熙註曰孟子三宿而出

齊西南近邑音畫今讀為畫夜之畫

必作雅亡錄云王者之迹息而詩亡王魯竺曰天

自昭王膠楚澤之舟穆王迴徐方之駕巡狩迹絕

豈復有陳詩事如此解詩亡自直截不必云詩不

亡而雅論詩如護草桑梓錄云毛詩烏得護草言

憂背北堂也詩意蓋謂思君子之切安得忘憂之

草種於幽陰之地以消時日乎初非言母也維桑

與梓必恭敬止詩意蓋謂桑梓人賴其用猶不敢

殘毀寓恭敬之意况父子相與非直桑梓而已非

以桑梓為禮如鄉飲錄云鄉飲酒禮無筭爵無筭

也燕樂亦無筭盡歡而止也按鄉飲酒國家以隆

禮敦老尊賢如今人賜宴於朝侍宴於王公貴人

從無盡醉極歡之事豈古人反春秋如觀社籍稻

錄云莊公二十三年夏公如齊觀社左氏但引曹

蒯之言以為非禮不詳其事公羊則直云觀齊女

按墨子燕之祖齊之社稷宋之桑林楚之雲夢男

女之所聚會而觀也不讀墨子幾不知齊女何屬

又云李百藥父與友人共讀徐陵文有列琅邪之

謂在琅邪客大驚號為奇童按昭公十八年經書

八年邠人籍稻注云其君自行籍稻籍當呼為典

籍之籍蓋履行之而記其數也孝穆誤籍為列百

藥知其成處猶未論多創獲類如此

及正其訛謬也

黃國鳳

公舉事實字久道號竹梧歲貢生肄業省

者

卷三

人物六

文苑

五

言學集卷之六
會敷文書院中蝶園徐公可亭朱公皆器重之文
以理勝有醇無疵行修於家亦如其文士林咸奉
為指南所著有語孟問辨四書融註經書字義竹
梧外編歷試草

文苑有傳自後漢書始然遷固並為司馬相如立
傳固又為賈鄒枚路諸傳皆取其能文則亦其權
輿矣夫文以載道大之憲章典誥小之申抒性靈
憤激委約之中飛文魏闕之下要有經緯乾坤彌
綸中外之力為聖門四科始乎德行終以文學子
以四教首即曰文又曰文不在茲言之不文行之
不遠文綦重矣後世文人類不護細行鮮能以名
節自立致令天下共惜之此亦自貽伊戚耳苟能
以功業寔行光明於時行有恒而言有物豈不益
可貴哉今志文苑與儒林相表裏傳儒林以行而
文在其中傳文苑以文而行不立亦不得與焉然
則欲圖不朽之業者其亦於立身行已間加之意

哉
沈椿齡識

相齡倖叨一科
卒暨陽其行
志不堪言述願
為是文行云云
情志者漫列其
其亦不知有羞
有矣

諸暨縣志

卷二十七

孝友

人物七

孝始人倫與剽在室弟則徐行少隨長率伊誰枯之慘若有失爾繹爾思涕零汗栗列孝友傳第七

南北朝

賈恩

南史孝義傳少有志行元嘉三年母亡居喪

過禮未葬為隣火所逼恩及妻栢氏號哭奔救隣近赴助棺櫬得免恩及栢俱燒死有司奏改其里為孝義里蠲租布三世追贈恩天水郡顯親左尉

唐

張萬和

唐書孝友傳序唐以孝悌名通朝廷者諸

暨張萬和嘉泰會稽志萬和力學明經遭父母喪

兄弟廬於墓側

弟萬程

二十餘年有芝草生甘泉出

兩浙名賢錄萬和子孝祥亦廬墓二十餘年事聞

詔旌其門名其里曰孝感

宋

黃嘉禮

隆慶駱志字仲文舉紹興中進士累官朝

散大夫性孝目疾不能視以母老禱於神目乃復

明母卒明復失

楊文脩

楊維禎楊佛子傳佛子名文脩字中理生

而性淳固篤孝鍾於至情年六歲視母食多寡為

飢飽母病艱食輒不食得果必遺母俟母啖之心

始已年十五以母多病遂棄舉子業舉岐黃氏書

父譴之從容畬曰我母多病忍能一日去母從師

借舉業有利不足自貫即便母侍雖服農終養吾

志周滿母病革藥罔功即齋禱密室刃股肉和饘

粥以進母食即起佛子頰下生瘤大如覆瓿一日

繇市歸中途值一操瓢者穢癩不可近時暴雨至
 瓢者就佛子雨蓋既與俱無難也行一里餘瓢者
 用左手搯佛子溜右手拊背曰患可醫汝何報佛
 子笑曰勿欺我瓢者曰吃我一醉三日後當過君
 治瘿先口授折骨方佛子未心信別去數步顧瞻
 其人邈不知所之矣佛子歸語家人痛悔不得治
 瘿方明旦視額下瘿忽不見家人驚恠捫其背則
 瘿還在背矣人始悟佛子遇異人母歿佛子躬捧
 土成墳種木築廬墳左介廬上恒有羣鳥數十隨
 佛子起止佛子純孝異遇縣以狀白府府將表樹
 其宅里佛子走府曰某之事親不知有身豈知有
 名哉事寢益器異之童子婦人瞻其儀形咸手加
 額曰佛子佛子尊官鉅人入其鄉必過其廬晦菴
 朱公嘗以常平使者道過楓橋楓橋乃佛子所居
舍聞佛子善名特就見與談名理及醫學天文地
 理之書竟夕去晚年著醫衍二十卷編地理撥沙
 圖藏于家年九十有九終

元

丁祥一 輟耕錄越楓橋里人丁氏母雙目失明丁

至孝每朝盥漱訖即舐母之目積有年矣俄而母

左目明未久右目復明憲司上其事於朝表其問

曰孝子之門至治年間也 浙江通志輟耕錄止稱

府志標名又楊鐵厓古樂府有丁孝子詩載藝文志

鄭淡老詩 倒地布衣頭雪白 挿天華表夕陽紅

孔明允 萬歷紹興府志字孟達讀書尚志節操履

清純元季兵興奉親居孝義山中負米為養驩如

也同邑張辰謂明允當阨窮而守益固孝益純庶

幾行古之道者

樓昇 胡筠隆慶駱志樓昇字仲高性至孝母病

醫禱無效夜夢神人語以割股乃可從之果愈時

有胡筠字梅友亦割股救母

石渠 隆慶駱志字孟權年十三父良金陷於獄渠

往申之有司執法甚威以渠哀感獲釋人為作孝

童傳及長議論正大為士類儀表

吳鉅 張辰吳孝孫傳吳孝孫者名鉅字仲夫嘗及

侍大父母父母重闈相懽時天下新去亂徵役頗

劇吏卒臨門其勢可畏每盡悴應酬而切戒家人勿使大父母知恐傷其懽心也間或他出人有遺以一味之甘必遣饋以進會大父邁奇疾陽道閉澁不復能小遺醫者云病在陰氣絕藥不能及法當得人口舌煽而取之孝孫遽如醫言乃得汗血一勺而通衆因併口稱孝孫孝孫得名以此事見宋太史濂筠西府君墓碑同里張辰贊曰余嘗讀南史至庾黔婁嘗父糞驗其甘苦而欲知父病之差劇竊嘆其孝之至極每於經籍傳記求比則絕無今孝孫事頗同然孝孫孫也黔婁子也子孫於祖父親親之殺似當有辨若孝孫者千百載一人耳觀風者尚其采而列之於史不忝

黃慎

隆慶駱志字仲言從兄仲忠以門戶事逮行

慎從代為之辨事已明仲忠病死慎為扶櫬歸發其囊餘貲數千百緡慎悉封識之以與其子

黃珂

隆慶駱志字仲章從父源歿於灤陽珂觸寒

暑走五千里哀服收葬人皆義之

周元助

浙江通志字良佐至正間從弟元祐被誣

將逮良佐毅然往代力辨得直鄉人義之

明

丁羨 黃彥輔 萬歷紹興府志字文彥兄進洪武

初被誣逮者至美度元悞且訥必不免請代行進

曰事在我汝何預焉羨給逮者曰此吾兄也欲代

吾行耳逮者以為實固驅美行竟死逮所同時有

黃彥輔者其從兄彥實坐誣州司迫遣將行彥輔

代之就械以往其事卒白鄉人皆義之而於美之

死尤加惜焉

楊宗暉 浙江通志洪武初父叔器為掾獻魚鱗圖

違式當誅 章志冊以大紅花綾為面上惡之曰吾方以儉率天下安得違式獻此命誅之

宗暉赴法曹訴曰此宗暉實為之今誅父是宗暉

陷之也願以身代父死法曹為上其訴許之竟受

戮死時年十九 族人建祠於天元塔左每歲九月三日祀之

趙紳 明史孝義傳字以行父秩 駱志字尚禮工永

樂中為高郵州學正考滿赴京至武城縣墮水紳

奮身下救河流湍悍俱不能出明日屍浮水上紳

兩手抱父臂不釋宣德五年旌其門

袁徵 萬歷紹興府志 母陳病篤徵憂苦不食夜禱於北辰剗股肉以進病遂愈時方春庭桂吐華鳩巢於室

郭琥 郭三省 隆慶駱志 嘉靖中旌舉孝行

陳泰階 章志 字星叔邑諸生父病衣不解帶者三年及歿廬墓三年母病以剗股得愈延十一年及歿仍廬墓三年輯有永思拾遺四卷知縣劉光復 獎

鄺民法 章志 字聲我父元亮赴選道卒民法年十三夢父語曰我於某月日死即號泣別母奔赴果如夢言遂扶櫬歸後仕維陽參軍解官歸事母盡孝一遵古禮

何時化 章志 字成之剗股廬墓知縣汪康謠表其門東陽許少薇為之記所著有三族禮儀子起元起鳳起麟皆孝友有父風

何瑞麟 章志 孝子旌額

錢芳肅 章志 字穉敬號我惺父時官大叅芳肅隨父宦遊蕪湖凡鋤強釐弊得其贖襄為多父歿不

離柩側三年母病不離寢側七年伯兄早世事嫂如母仲兄季弟篤於友愛人無間言壬午饑芳肅分粟授衣遍閭里子洪袞辛卯舉人孫廷範咏並丁巳舉人以洪袞任山東清平知縣贈芳肅如其官芳肅二十食餼三副於鄉所著有江上吟古文爭奇行世

傅儲 章志字石天邑諸生幼孤事母至孝寄館於外距家十餘里雖風雨必歸省館穀所入悉以贍弟及故交與同學蔣性安有婚約性安早世撫孤如子卒完姻事知縣張夬慕其人終不往謁督學許公甄拔優行時與考五百有奇所薦皆儲著有五經注疏遺稿家貧未 錄 刊人日炯甲申殉節

國朝

樓墨林 樓永叔 浙江通志父越凡為山寇所殺

墨林痛父被殺持戈以鬪殺三人賊環攻殺之其弟永叔翼兄以受刃兄弟同時俱被害族人收三屍越七日顏色不變墨林兩目如注永叔尚俯墨林背墨林聘朱氏未娶聞訃自經人謂越凡死義

墨林苑孝永叔死弟朱氏苑節盡出一門公舉事
 實乾隆二十五年巡撫莊有恭具題樓墨林樓永
 叔孝子朱氏烈女奉

旨建立三坊並

賜旌表

附書後一則歲在康熙甲寅逆賊構亂東西弄兵
 王師方將殲厥巨魁不及小醜而蚊蚋蟻蟲之聚因
 之孽牙其間秋七月土寇楊六遥附耿逆竊發于
 吾暨聚夥肆暴剽掠村落此墨林永叔兩孝子所
 由遇害也越凡名仲升世儒業王父萃陽父景夷
 皆以明經補博士弟子員文行卓卓為世楷模名
 教之樂蓋得之世澤為多墨林性至孝多力善讀
 書其壯烈之氣養之有素永叔體微怯而勇於從

順如其兄里中人稱孝弟必舉此兩人在常時已
 然楊六聚夥以干計謀欲破縣城乘勝渡江襲杭
 而少其眾計先得樓氏劫之與俱眾且倍乃以說
 客來不應繼以賊眾來逼以勢究不可動搖快快
 而去遠數里復計曰方今始發兵而不能得志一
 村落非夫也遽反兵向樓氏必無遺類乃止是日
 天大霧三里五里人向樓氏必無遺類乃止是日
 去不為倫寇至越凡屋當其衝故先探得其情徑
 往以大義責之言未畢刃已及身口罵賊不絕竟
 為所殺墨林間父變提戈以出或止之曰賊鋒甚
 銳毋徒以身為殉也墨林曰為子死孝豈俟再計
 耶初見賊眾來不得主名不即發而賊眾亦不知
 為越凡子因潛覓得仇父一人殺之直前投賊欲
 刺六六賊眾各二前隊一孫一人徐率之甚猛乃令
 共擊墨林墨林多力至是殊死鬪前隊稍却即奮
 戈刺孫中其背復回戈刺徐中其項二賊皆仆六
 怒益甚而氣亦稍挫乃以盾自衛墨林提戈刺六
 中其盾急不能拔相持良久戈折賊環聚攻之遂

見殺當墨林正急時永叔自外來遙望父若兄皆為所傷不能支踉蹌趨赴適賊刃紛集兄背即俯身翼之遂與俱殺一時父子兄弟英氣勃勃雖死之日猶生之年其舉屍狀族人及今猶有能言之者楊六方嘯聚樓氏已掠得竹篋數百注以油將比屋焚之為毀巢計及墨林永叔相繼見殺即心動手顛乃舍之去後數日墨林見夢于其家人作被髮疾趨狀曰某已得殺賊矣會且五馬裂之時楊六竟破縣城據縣堂坐閃閃若有所見賊眾有相驚以樓墨林且至者或奔或匿人人自危遇大族不敢復掠後楊六計欲襲杭駐縣北五馬嶺白晝驚悸恍見絳袍三騎阻之明日遇官軍楊六殲焉不十日而賊俱死墨林聘朱女請期蓋十月三日也七月四日遇變以計聞朱女嘆曰得死所矣擇婿如此夫何憾其夜侍母氏寢特畧陳大義不即申明死節事旋就閨房以針線縫其衣裾周防甚固遂自經嗚呼子之愛親命也不可解於心然且為境為鸚十常八九編茲孝行植彼網常洵足

承永於來世哉而不寧惟是柳州南霽雲廟碑謂不惟以能死為勇李翰張巡傳表及昌黎後序並舉其遮蔽江淮以為功向微樓氏一門烈孝能挫賊之鋒而奪之魄將一邑之人之罹其凶者多矣既死猶能殺賊此與巡之厲鬼何異至朱女以未婚而殉節視死如歸又何難也夫惟有朱女之烈乃不愧墨林之孝傳曰嘉耦曰妃其斯之謂與

酈逢新

章志字鼎生邑諸生九歲母病劇割股禱

救事繼母尤篤父引昌殉難永州逢新匍匐達永哭訴憲司得允具題扶櫬歸家病屢嘔血及聞

恩贈命下即撫膺大慟曰兒事已畢死復何憾遂殞

駱起明贊

忠而死孝而死死死等耳酈生賢士赴難湘水伏闕帝里枯血胼趾病終不起嗚

呼難矣

姚光國

章志年十三刲股救母父歿廬墓三年知

縣張士琳牛光斗並獎之

趙璧

章志字宗寶邑諸生父病醫無效刺血陳情

刲股以進即愈母病復然亦愈及卒廬墓艮山一方化之凡有服齊哀者不復近聲色廬次昏夜現光璧意有故塚祝之現光倍高明日以酒奠之誌以碣光遂息有盜過其廬相戒無驚孝子虎過之聞哀哭輒馴伏墓前枯木萌芽復茂發連理枝躡居廬讀禮著有艮山問答公舉事實康熙五十一年具題奉

旨建坊旌表

趙式有題族祖宗寶墓廬詞載藝文志

陳元杰

章志字玉初本周氏子繼于陳少有至性

及長贊繼父納庶母復生五子撫之成立比分居一無所私族黨咸稱孝友又好義焚券數百子其素丙午舉人

張瑞虬

章志撿躬醇慤奉親愛敬兼至親不食不

先食有疾湯藥必親嘗及卒廬墓於西山三年虎

環其廬勿畏也自力以供梁盛餘悉給於父母所識貧乏者

趙世相

章志字懷玉幼喪父竭力營葬不以委任

於兄弟善承母志朝夕起居扶持靡間母色不愉必長跪引責得歡乃起及母卒常就墓所哀號至老不哀歲飢世相運粟以貸不責其償里人貧而

鬻妻世相輒助資完聚

孫光仁自有傳列義行

鄺之樞

章志字象脩父病刲股救愈事母志體兼

養既歿不離柩側者十年兄振經被誣命羅織之樞與爭當其罪知縣錢世貴義之為平反得釋甲寅之亂有弟為寇所繫之樞挺身相隨寇義之遂俱得免

袁仁

章志父病刲股旋為寇所掠見股傷詢知其

故憐而釋之當被掠念父益切恍惚有神告以無恙及歸果愈知縣牛光斗獎

鍾天覺

章志父鳴泰北遊太學天覺始軀腹母袁

奉寡姑食病力作天覺稍長即能佐母養祖母以壽終母卧病天覺織履以供有所思得必力致乃

言暨鼎志 卷二十七
已以母故不得尋父居常惻然或勸之娶期以父歸乃可竟終身不娶

石璉珍 章志年十四遭父喪哀毀成禮廬墓三年母卒年八十有八璉珍一如喪父時孺慕不衰

許嘉 章志字士奇號羅亭邑諸生母病剗股父病以身請代先後廬墓六年製思親詩百律時兵燹踵起嘉發粟賑饑收埋暴骨隣火兩及其家兩反風聞神語曰父謀祖劃世依天則孝子慈孫百世不裂鄉閭指為善行所格著有斗室銘問心集行世

子爾秀自有傳列文苑

沈應春

子

廷華

章志字木生承父命遊學每望白

雲輒為流涕婦章氏母病與婦章竭力調救及歿分就苦次事之如生並以孝聞章病子廷華亦剗股以救

鍾英

章志字禹鼎邑諸生父病禱天輒愈母病瞽

遭亂離背負遠避東西竄徙及歸母目復明

趙泰

公舉事實字虞尊邑諸生父昊生行著於鄉

泰懍承庭訓潛心理學動靜悉以古人自期嘗纂

脩宋儒五子書若干卷及沒門人私謚端毅先生
初泰喪母哀毀幾滅性奉柩殯於范蠡巖下伐荻
刈竹結廬其間稽古喪次禮於東墻隅被以茅茨
寢苦枕塊終三年始歸居父喪亦如之過其廬者
咸為泣下廬內外迸出醴泉六七孔宅後長瓊芝
地向有鴉鳥夜鳴泰為文襍之鴉鳥自殞

虞尊墓廬詞
載藝文志

趙式有
題族叔

趙氏璧 浙江通志歲飢賣薪負米以供二親父患
肺癰越險採藥及卒三年廬墓側雍正四年奉

旌

謹按趙氏璧浙江
通志作趙璧悞

呂覽云執一術而百善至百邪去天下順者其惟
孝乎史有之人倫之德莫大于孝是以報本反始
盡性窮神孝乎惟孝不可不勛矣乃若天倫之重
共氣分形兄弟翁而父母順亦善推其所為而已
唐時陳藏器著本草拾遺記人肉能治羸疾自是
民間多有割股肉以療親者朝廷旌之而昌黎韓
氏非之以為不幸且死則毀傷滅絕之罪有歸矣

言 卷二十七
顧唐書或猶有取焉謂其出于至誠有足多者暨
邑舊志多載刳股事善善欲長寧敢有異議乎今
則覈之以實不多列也夫委巷之子非有學術當
其一意徑行率于血性豈必期合于名教而後人
傳之欲歌欲泣猶彷彿如見其人不已愈于引學
術以自文者是亦可以風矣
沈椿齡識

諸暨縣志

卷二十八

義行

人物八

父乾母坤天地共軋兄弟顛連情何能忍以義為
藩假之彌黠古先與謀十行一札列義行傳第八

宋

黃振

於越新編字仲驤嘗建樓以望村墅未舉炊
者往遺之米寒無告者遺之衣其妻劉亦斥奩橐
置義莊以濟族黨鄉人德之名其樓曰望烟莊曰
仁壽後振以子貴贈衛尉少卿妻仁壽夫人子孫

代顯

黃汝楫

寶慶會稽續志字巨濟振元孫家故饒好

義宣和中方臘犯境以素積金錢瘞於居室避地山間忽賊黨執白旗來揖且拜黃驚懼答拜認其人蓋舊僕也云主將拘掠士女閉之空室持金帛贖則釋之否則盡殺黃惻然問所囚幾何人曰無慮千數曰我藏物可直二萬緡欲舉以獻而贖其命可乎歸報如其請乃悉發所瘞輦輸其營千人皆得歸詣黃謝為之誦佛祈福歡聲如雷至紹興中黃為浦江令其子開閭闔同登乙科後二子聞閭繼之

吳作禮

萬歷紹興府志字起之開禧間有寇掠鄉

民勢甚張作禮與兄弟議為防禦計因積薪備酒饌賊至迎勞飲食之乃闔戶焚其廬無得脫者事聞拜保義郎

王理

隆慶駱志字倫卿學行俱優人稱水南先生

與東陽許古道善臨安危古道出其裝得三百金屬理將徙家於暨比至家以疾卒其妻子初未之

知也理往哭之悉以還信義如此後以子良累贈
太原郡伯

〔者舊遺聞〕理亦作鯉少孤讀書僧舍貧不自給有盜給以食不知其盜也遂與善久之盜被收鯉以是累入獄將論死會提刑御史夢有饋鯉者旁一人囑曰此鯉勿殺翌日按囚見鯉名遂雪其冤

吳和 隆慶駱志字景安人負商逋謀他徙和為代償天早禱社弗應和號哭告天即雨人謂和義而誠

元

陳志寧 弟嵩之 兩浙名賢錄嘗割田一千畝山五

千餘畝造屋三百餘楹為義莊義塾聚族黨之貧者養之未知學者教之以為一鄉之父師事聞旌為義門

方鎰 於越新編讀書負氣自豪好修行誼嘗割田千畝山若地有差取歲入贍其族之貧者建義塾禮聘名士黃叔英項炯吳萊輩主教事造就學者一時雋彥雲集宋濂鄭深嘗來訪之

黃新 兩浙名賢錄汝楫六世孫侗儻好義祖遺義莊閱久已廢新購復之以賙族人歲祲鄉人持券

物來質粟不較其值而與之所居當婺越之衝為
 飲食以待困乏者年七十餘盡出所質文券約三
 萬餘緡悉焚之曰吾非敢以此市義也吾生無德
 於鄉人無庸留此以益身後之過黃氏族譜新字桂軒行崇九有善相者曰君相應侯惜時不可為然富可以擬不二十年置田三十六萬高閣接畛行人入里門即由宇下無沾衣塗足之患因稱其地曰廊下

吳宗元 兩浙名賢錄字長卿輕財重義元季兵興

避地者多依之周給一無所吝教子孫無析居歿之日識不識皆嘆曰義士死矣奔哭墓下者數百

人太史宋濂誌其墓隆慶駱志宗元治家嚴格舉古今厚倫睦族事裁為七言古體八百餘言并宗範合為一集以訓諸子

宣元 萬歷紹興府志字子初性敦龐志修潔與剡人商舜華善舜華遊西川以銀一緡寄元家歲餘舜華客死吊於其家因以金還其子其子初無知

者

洪範 隆慶駱志字九疇僦屋於京挈鄉人胡某同寓疾且革館人迫之使出範固持不可及死範為

言曰泉云 卷二十八 四
殞之庶吉士陳璣亦範同鄉病滯京邸範躬為調護死亦殞之

郭日孜 徐履祥志偽吳堰三江激水灌我長瀾以

西謝再興叛知州欒鳳死胡參軍之師保豐江大軍聲援未及民多被灌而死州貳佐不為之所有

携貳心日孜因具書州吏諭以利害於是州吏始日夜告急於行省參政胡大海乃發兵下暨奪其

壩反決以灌吳軍民獲全父老咸薦日孜可大任

隆慶駱志質實篇今按信若此則日孜亦可謂有功於當時矣奈其始終本未有不可通也偽吳來

灌以我州之未降也謝再興既殺知州以全城降矣復灌之何為胡德濟李文忠以州城既失不得已始築豐江新城若州城尚在而州貳佐得以有為彼二師者何不憚煩哉且使日孜之書在謝再興未降之先耶則守城有主者不當達之貳佐既降之後知州且死恐貳佐非我之貳佐矣凡此皆如夢中語有不可以理勢通者州城失復始末詳沿革記若日孜素行之優則鄉評自在固不係於一書之有無也關之

謹按如徐志所載抑不惟續亭先生所駁而已考

明史太祖本紀胡大海克諸暨其時為至正十九

年正月二十二年二月諸人將英殺金華守將胡

大海二十二年四月諸全守將謝再興叛附於士

誠當謝再興叛附士誠胡大海死已一年又三月

矣然據明史胡大海傳士誠將呂珍圍諸全大海

據樂鳳傳鳳且以死殉州而再興亦叛非本志意當呂珍圍州固宜同心協力乞救於大軍雖微日救具書亦必日夜告急矣第州貳佐或不無携貳心者日救為排難解紛于其間理容有之特以前後四五年間顛倒錯出而始終本末遂不可通傳當云偽吳將呂珍圍諸全堰水灌城知州樂鳳守將謝再興不能支州貳佐有携貳心日救因具書州吏論以利害乃始日夜告急於寧越胡大海發兵下暨奪堰反灌珍勢威解解兵州賴以全但事屬臆斷不敢據以為寔也

應行簡

隆慶駱志旌表義民

樓守道

隆慶駱志旌表義民

樓成楨

補遺太學生篤行好義萬歷中儒學傾圮

捐金數千緡獨任其工造之殿堂亭廡煥然一新

邑人咸頌義舉

事見章志儒學記

周國琳

補遺萬歷中貞一劉公知縣事歷九載多

政績後名拜御史以事涉皇儲禁繫在獄國琳為

之叩閣申救疏載經野規畧

畧曰邇聞邊疆之警名諸大臣議起廢臣

任用御史潘汝正疏舉繫臣劉光復充監軍之任誠以光復素嫻謀畧夙著威望業已見能於治邑

暨稍難治惟光復冰蘖自持勤慎自勵種種善政難以枚舉及行取之日攀轅者十室九人祀祝者

逐里一祠此其賢良固有卓出群令之表者偶聞事涉皇儲失於檢核皇上罪之宜也然猶曲加眷

念仁愛溢於法外光復捐糜自贖之秋也有治邑之長邊壤不靖正光復捐糜自贖之秋也有治邑之長

才必有安邦之奇畧能馴難治之民必能制難禦之寇今部臣交揭御史疏薦望皇上赦光復以收

天下之心琳等不揣愚蒙敢布忠悃願以身代光復羈囚倘無成績請正欺罔之罪竿首藁街所甘心烏不避斧鉞冒瀆宸聰萬歷四十六年閏四月二十六日

傅雨

補遺字奉峨少好學與從兄日炯同受業於

劉戢山門下甲申北變日炯志在殉節遽戴星扣雨家靡索酒痛飲忽長嘆曰桓山烏一何悲雨曰若豈以聶軹里有老母在乎日炯曰知我者鮑子也雨曰若母猶雨母誼何敢辭相拜別去日炯以殉節死雨為養母終其身事見山陰張岱越人三不朽圖贊載藝文志

謹按養母終身據舊浙江通志則以為傅平公據張岱越人三不朽圖贊則以為傅雨宋末冬青六陵或傳唐義士珏或傳林義士景熙張陽和疑兩義士蓋合成之余以為養母終身二公亦或分任之故並存其說互見卓行

邊應祥

章志字渭南歲饑知縣錢世貴設法勸賑

應祥首倡於鄉全活甚衆

子信傳列文苑

楊芳

章志字平寰性清介博涉書史崇禎間任崇

義縣尉轉湖廣麻城巡檢值流寇披猖屍橫徧野見馬樞間一女子垂斃詢之乃河南陳氏女王王御史未娶媳也距其家二百里芳即引二騎往送之

御史以芳有退賊功疏聞陞黃州經歷孫學溥以科名顯

國朝

楊燦 章志順治戊子土寇焚劫燦起團練保護鄉里康熙甲寅土寇復起寧紹道許宏勳知燦舊績委以防禦燦搗巢擊賊所至克捷事平口不言勞

樓暹 章志字東明少遊邑庠慷慨慕義順治十八年隣寇入境捐募壯丁爭先扞衛寇猝至各都未及應暹奮身獨拒時寇夥環集勢孤莫支遂被害

鄉民藉暹死拒得脫全活甚衆守道王廷璧知府

吳之樞獎 謹按樓氏宗譜暹一名國賢

沈大儒 章志字超凡創與同齋延師以教鄉里之就學者順治戊子土寇焚劫火及其廬即止寇退大儒捐資無算被劫者濟之被焚者收其骨埋之

子章先孫士偉皆庠生

蔣奇芬 公舉事實字美生秉性嗜義順治初寇亂多掠民婦罄資贖歸各還其家及兵燹後年荒復發粟賑飢又悉焚新舊

樓越凡

章志越凡素性剛直為熙甲寅東西弄

兵土寇楊六剽掠凰儀樓越凡往見賊責以大義

賊怒殺之

子墨林永叔自有傳列孝友

鄺球

章志字均濟甲寅土寇竊發球以千金贖人

子女各完夫婦相配

石有光

章志字景虞同弟光濱皆庠生性醇謹好

讀書不以貧窶為念一日行吟江皋拾遺金一橐

坐待其主三日還之多置義塚死喪無依者輒收

葬其骨

王全

章志字伯仁邑諸生家僅中人產而勇於為

善嘗買地置義塚於二十九都收葬遺骸置渡船

修橋梁賑飢卹灾破產勿惜年七十舉鄉飲賓王

氏先世祀鄉賢者六人全見祠宇傾頽即捐資鼎

修又建王氏宗祠於邑中故里費千金子安吉亦

能成父志世其家

蔡廣生

孫

希賢

公舉事實廣生字仁卿康熙二十

五年學宮傾圮廣生身董其事費金千餘督造三

載工成郡守李鐸為之記

載章志儒學

雍正七年學宮

復壞廣生孫希賢董其事捐六百金邑令張長庠為之記乾隆十三年邑令翟天翱修學宮月臺希賢子方澍捐百六十金邑令張端木重建學宮希賢子方澍捐二百二十金學宮中歷年多興作蔡氏蓋世勦其事者廣生性好施與嘗仿范氏義田創永濟院於鄉捐田百畝歲收散給宗里

楊文燦

公舉事實字谷士儒學生初與童子試有

章姓者既獲雋復被斥以文燦易之人皆為文燦喜文燦曰我可喜章顧若之何章年逾四十家有老母得而復失其志隳矣因白於當事者願以讓章當事者許之給文燦義生額後三年亦雋

趙光仁

浙江通志諸暨庠生樂善好施捐以所置

田一百八十九畝入儒學備三年文武各生科舉路費子月松等詳憲勒石并立規制十五條以垂永久

郭元宰

題旌冊故候迭州同郭元宰好義樂施捐

田一百畝撥入毓秀書院充膏火又捐田一百畝推入儒學備文武各生科舉路費又捐田二百畝

房屋一所請設育嬰堂收養棄嬰計值四千餘金
元宰善願久堅臨沒手書遺囑其子仙城恪遵父
命呈冊輸官另捐本族宗祠田四十畝以展孝思
亦開號歸祀藩司劉純煒巡撫永德於乾隆三十
三年援例具題奉

旨坊旌

附別傳一則郭元宰字聖臣一字墨齋家贍於財
好施愛客有俠氣人或窮急歸之必為之所性癖
馬廐中皆良駒日馳湖莽間觀其蹴踏齒脊驕嘶
鼻語以為快故良鄉樓大令績襟期豪爽亦喜畜
馬元宰未雞鳴起立庭中命減獲牽駒出然松照
之親為剪拂飽以豆芻放之高坡上風鬃霧鬣望

若龍駒乃邀樓往觀謂曰昔人有以多金買畫馬
者彼終類死馬骨何如賞此為得神駿也元宰好
馬亦好畫間作花鳥草虫窮極情狀同里生有丐
得者懸壁間作嬰嬰聲家人趨視之乃元宰畫由
是名益著蛺蝶鳳凰尤稱崑崙家晚年或以意授人
使先為作粉本已乃畧為煊染題識意匠傑出便
能到人所不到也邑令界陶朱宸能詩被劾未得
即去館元宰家六年朱既失官意恒抑鬱飲酒必
極醉乃罷元宰禮之無倦容朱同年楊石湖汝穀
時為浦江令聞元宰義往過之元宰為作畫朱為
題詩楊曰郭畫朱詩可稱雙
絕留數日贈以駿馬馳去

陳爾康

蒼源剩草字嘏常邑廩生酷好學尤酷好

施明經工制義試輒命中同學者誦其文孌娜婉
轉丰姿綽約詫曰是窈窕佳人也及老不少渝性

澹於進取而好施如不及寒者衣被之餒者糈糲
之隨遇隨給並不計量其殯無棺者乞請任其所
取慮病貧不能藥輒廣集驗方鐫傳以佈曉之自
壯至老惓惓不釋

應敕

公舉事實字毓初號紫垣太學生文集子乾

隆十六年歲大飢敕倡義為一邑先捐金一千五
百兩奉

旨議叙授廣西布經調判西隆陞雲南廣西府通判致
仕歷多惠政

義與利相對如仇殺然非被害此則此害彼無俱
生之勢無並立之理是以孟子於言利則痛絕之
譬之醫者之治病必先治其受病之原而後有次
第可投之劑此格心之術也孔子繫易則曰利物
足以和義曰理財正辭禁民為非曰義王荊公云
理財乃所謂義也一部周禮理財居其半周公豈
為利哉暨邑之義自庶人及士大夫而止與柄國
政者不同何者柄國政則在於定經制小惠未徧
民弗從也同在齊民之列未有以政及民之權而

言暨縣志 卷二十九
曰吾其授人以意予人以言無財不可為悅人之
稱斯義也其謂之何今志列義行必以利相衡某
以某事利人如干某事捐金如干某事捐田如干
凡無其利者不得起而與之爭此亦虞廷采采之
旨也

國家捐項至千金以上者例得

賜以旌表已旌者符以例未旌者準以例其事實而有
據其語信而有徵噫義行如是又多乎哉

沈椿齡識

諸暨縣志

卷二十九

卓行 人物九

誘然皆生未識臧否疇曩伊何屈此群醜古與為
徒俗乃寡偶猗歟猗歟死而不朽列卓行傳第九
宗

周靖

李大同周博士墓誌字天錫先本南康人幼

通敏好古善屬文舉宣和進士主中江簿轉柳州
錄事遇於守帥多掣肘靖守法不阿常預內銓已
而靖康之亂乃以宗社大計闕白大臣欲投書闕

下當事者沮之靖知勢不可為遂棄歸紹興間薦章交上遂起為國子正錄進本監博士三舍弟子業成而仕後多知名居無何力丐罷官得諸賢意其有中州之風遂徙居之

浙江通志載寓賢

陳協

舊志字世勇汴之祥符人紹興中進士從南

渡授提調浙東茶鹽公事署荆南湖北襄陽路制置使改左朝議郎與岳武穆善力主匡復忤秦檜左遷金華令知事不可為棄官家暨之白鶴山武穆嘗訪之留從騎於數里外今稱岳駐及武穆遇害協題聯於堂云泥馬瀾迴坐起相看河九曲黃龍酒熟趨班猶夢月三更協深於理學見性理目錄

岳武穆公詩

欽君騎鶴上金華北望雲山是故家兵革歷身心不改一腔熱血濺黃沙

元

楊宏 楊維禎先考山陰公實錄字國器自號澹圃

老民蒙推恩封承務郎紹興路山陰縣尹子維禎遊學四明鬻馬添裝以貲得黃氏日抄黃氏紀聞以歸喜曰所獲不多於馬乎貢舉法行里將推上

其子維禎敕子經不明不得舉方建書樓閉置維
禎研精春秋登泰定四年進士之官天台民有持
官府者八鵬頗用柱後文彈治之亟持示官箴曰
鳳居百鳥百鳥望而愛鶚居百鳥百鳥望而畏其
服羣則一而德威不同也吾願汝為鳳不願汝為
鶚也維禎轉官錢清令時方以鹺逋為急而錢清
鹺戶消耗且十六七又書范文正公之言以誨曰
作官公罪不可无私罪不可有繇是維禎在職為
民受罪斷斷以蠲逋課愬省府不從至投印去訖
獲減引額三千人之評者謂有三反與人言曾不
能出口而笑聲聞于一里援筆敏捷累簡頃刻盡
而未嘗一字作草狀姁姁仁謹人稱長者而論治
獄出人以為陰德則極口非之君子以為春秋之
法而意亦未嘗不仁

虞元善

隆慶駱志字長卿淳厚簡重人稱長者隣

里侵其地構佛舍元善遣家僮助之役其人慚徙
他所有因負逋為人妄訐他罪者就元善求援元
善為償所逋而勸止之部使者重其行詎辟之不

起

翁思學

隆慶駱志字景顏雅意文詞不樂仕進然

力本不為迂濶之行嘗語人曰家雖貧四聲不可

少謂讀書築圃機杼嬰兒四聲也舊志思學路拾

遺金一袂靜坐以待未幾一人哭奔乃知以鬻女

得之持歸償逋因恚以還家居遇盜時尚未卧因

告云比年歲歉少積蓄但老母病牀幸無驚恐除

應用外聽取之盜跪拜而去

毛倫

隆慶駱志字仲庠居貧自樂放情吟咏善畫

墨牛及木石求者接踵勸之仕則張目不答

方宗

補遺字德載號東湖慕榮啟期林顛之徒雖

至老死不以戚戚少嬰其心年過九十肅賓升堂

舉觶索輓歌及招魂辭見宋濂潛溪集

宋濂招魂辭載藝文

志

明

張英

紹興府志字仁傑有儒行善畫花鳥宋文憲

集仁傑未亂時嘗有粽食至今郡縣屢辟之輒辭

不赴以文墨自娛甚適號其室曰新兩山房宋濂

山房記載
藝文志

趙仁 **章志**字仁原學宗濂洛有司薦辟不就以宋裔義不仕元也屬張士誠起守將內叛仁避家蕭山洪武庚戌開制科仁中鄉試明年中會試未廷試以衰老辭歸隱居朱湖之東園自號東里子卒年八十有一著有東里集賓松亭稿十景麇音燕遊稿歲寒集凡若干卷

王允升 **章志**字晉叔清遠標奇不求聞達為士類所重教其子軫舉洪武進士授崇信縣允升寓家問屬御史臺管勾宇文桂遺之未達而宇文被收上錄其裝得書百餘多不法獨允升惓惓教其子以忠君愛民勤官好學累數百言下詔褒美賜百金擢軫刑部員外郎

謹按軫舉洪武進士未有考

錢存源 **舊志**字遠甫明經教授鄉里洪武間與兄淵明同日被召及入見太祖試治道論稱旨詔使守郡存源時已七十矣辭以老不勝任改授羅源知縣廉慎自將惠愛細弱百姓戴之居一年以老

乞歸年八十而卒著有觀光紀行雲梯等集及鈎

元賦

孫述可

補遺字繼宗洪武中由薦辟授工部主事

其為人達於吏治中外朗然富春姚肇為擬之玉

壺秋月

駱觀光

萬一樓外集字用賓洪武初徵使隴右稱

職將授以官以老辭歸為軒名來月日觴詠其中

人稱月軒徵士壽八十有六

王堂

舊志字維政宣慰民之孫也七歲能詩讀書

日記千言終身不忘從唐處敬先生遊力於古道

父仲廬以元故官謫濠梁堂奉父周旋自謫所歸

俄有詔發民兵城緣海要害舉堂督之民不困而

事集諸率役者咸視為法有司薦其賢良奉使巴

蜀還奏稱旨又以病歸太康王師魯為浙江布政

使雅知堂舉以為掾每有所指畫必與共裁輿情

甚協被檄督賦嘉興有推官無治狀堂甚輕之已

而賄敗逮至京以舊銜誣堂坐理事白尋卒堂負

奇氣有大志操持剛正議論不詭於道世以其不

獲顯施為惜子鈺貴贈翰林修撰

黃池 補遺字畜之號石田嘉靖中晉江張行吾志

選知縣事會安福尹湖山一仁掌邑教明理學敦

古禮浮薄者方嗤笑之池命其子璽璧璋受業於

紫山書院復命其子偕同學鄺琬應思敬聘姚江

錢緒山德洪主講席一時學者知所趨向池為之

倡及卒錢德洪誌其墓 詳見藝文志黃石田墓誌銘

華岳 蒼源叢記字仲西性醇謹寡言笑少與張公

元怵羅公萬化朱公賡張公太初陳公性學同硯

甚相善張羅二公相繼大魁三公亦掇巍科岳以

貢士歷仕嚴陵廣德師範楷多士有明神廟朝朱

公當國造邸欲特剡岳毅然曰國家銓政詎為徇

情資耶苟徇友即負君徇友不可也負君可乎哉

拒不從遂以江府長史終其身

余元文 紹興府志字仰泉幼穎悟博綜經史岐黃

占測五行諸書罔不通曉延師取友課子下帷子

綸縉皆成進士縉授河南道御史封元文如其官

孫一耀毓澄亦同登壬戌進士元文既貴布衣徒

言
少如常時性愛植梅菊白吾以友其德也年踰八十卒

余綸 紹興府志字伯綬號岸脩崇禎癸未進士授福建興化司李未赴流寇陷長安大索庶僚咸汙以偽職綸潛匿草舍間道歸里侍父疾踰三載不安寢讀書根究理要與仲弟侍御縉自相師友晚年喜咏陶靖節林處士詩以自况著有蘿月庵集十餘卷

史繼鰭 紹興府志字如矢為諸生時文名籍籍登癸未進士授刑部主事適闖賊陷京棄職旋里隱居教授卒於家

謹按唐書卓行傳列權臯甄濟以皆不為祿山所汙吾暨余史二公亦皆不為闖寇所汙故不以列儒林而列卓行

傅均 馮夢祖平公小傳平公姓傅氏名均軀幹八尺饒膂力能挽五石弓少治經生家言不售遂舉武試拔幟獲雋登丁丑榜進士雅以氣節自厲故明懷宗朝山陰念臺劉先生以直言被放講學於戴山均往從為甲申都城失守劉先生徒跣不及

偃餓旬餘以殉節死均與其族奉我輩築別室立先生木主日浣水焚香聚徒講貫每及忠孝大節輒鬚髯戟張聲色俱振家固貧當崇禎庚辰歲大歉均揭錘負米江干泛舟歸艤岸見不舉火者輒哀呼分給之未至家囊已罄不遺餘粒食貧徜徉不向人齷齪作窶人狀性坦遂往往視人如己一日烈日中取道經其徒田間蕪穢不治錯躩良久歛蓋置畝畔盤礴解衣什縱橫攬藝甚力其徒遙見奔至曰農功以時何可違也昂然挺蓋提襟而去均志潔行方不屑時俗所為嘗着馬尾巾緇袍挾筆墨携書數卷杖履過止氣誼相合者輒下榻高卧或展卷朗誦投筆事丹黃務畢聚談咄咄不休一言不合輒拂衣去居常喜行文遇有所著不模古楷今縱筆疾書恣吐其意所欲言而止皆饒血性云舊浙江通志傳日炯傳日炯與其叔平公同師劉宗周國亡兩人相謂曰吾輩義固當死然俱有老母在亦惟白於母許死則死耳平公白於母不許日炯白於母許之遂赴涓池而死平公乃

養炯母終身

事與傳兩互見詳義行

國朝

余毓湘

公舉事實字瀟友號南湖侍御縉季子也

生而至性過人八歲遭母喪泣血三年執禮如成人侍御致政晚年遷居郡城惟毓湘隨侍膝下備極色養父寢疾衣不解帶者數月及卒哀毀幾至滅性時年未四十鬚髮盡白伯兄毓澄居暨嘗患疾毓湘奔赴調治藥餌三年如一日毓湘喜讀書於經史百家無所不窺兼精岐黃嘗曰為人子者

不可以不知醫精於此庶於口體之養不無稍補耳以詩名所著有偶吟集海昌許宗伯汝霖為序而傳之晚年常自教兒嚴立家訓子懋祀舉人懋棟進士孫文儀進士銓蛟舉人曾孫炳舉人以懋棟為杭州府儒學教授贈文林郎文儀今任福建巡撫贈如其官

馮應求

子夢祖

公舉事實字起潛邑諸生喜讀書

善鑒識順治中山寇發鄉設團練或拍蕭山倪涵為賊細將殺之應求愛其能文為力辨得釋後涵

果中順治庠子鄉榜蒼源集行畧夢祖字名系或作紹思自號蒼源逸士寄籍為錢塘諸生行文冲雅逸韻涉筆堪誦癸卯課藝及闈中錠韻律辨二書為人攫去所存特二孟枝言其古文詞彙為六卷曰蒼源剩草蕭山毛奇齡為之序

載藝文

蔣楷

公舉事實字子芳邑諸生孝友性成居父母

喪不飲酒茹葷者六年如一日伯兄長楷三十五

歲有子八人兄亡後楷以會稽裘氏浦江鄭氏兩

義門為法既而食指日繁咸請晰箸楷深思良久

曰與其分而不均何如我自為之戶田八百乃簿

分為九而以其八與兄之子且曰計口授田此大

父意也楷待人一以誠信為主人無不格鄉里有

崔角者第云見子芳先生即釋一方中歷五十年

無訟獄當康熙甲寅山寇竊發劫掠村落居民皆

逃避楷獨衣冠立路旁待之寇至語曰若所欲得

者財耳任取弗吝我欲贈若以言可乎乃為痛陳

利害激昂淋漓聞者毛骨為竦寇百數十人一時

感泣散去

隋以前不立卓行之目唐始有之德如元魯山節
誼如權皋甄濟鯁峭如陽城知命如司空表聖其
為行不一無不凜若霜嚴軒如霞舉非世所稱卓
卓者哉今志志人物一準浙江通志仍其舊者什
九第通志有介節一目不若以卓行易之其所收
乃更廣嘗一一考其生平有超然於華廡之外者
有脫然于塵網之中者有較然于暗室屋漏人所
不見之地者有斷然以義方垂訓咸正無缺者其
為行亦不一而其特立獨行超然流俗則一也揚

子雲有言顏苦孔卓世無孔子勿謂培塿無松柏
也

沈椿齡識

諸暨縣志

卷三十

隱逸

人物十

鳳舉鴻軒翔而後集譬彼寒泉王明用汲碧嶺丹崖蓑衣箬笠碩人之寬龍蛇之蟄列隱逸傳第十

元

吳雄

萬歷紹興府志隱逸傳字一飛性易直從金

華胡長孺遊以古人自期有地理卜筮諸書考歷

詳盡嘗辟本州儒學正不就時人稱為碧崖先生

吳銓

宋濂贈虎髯生詩序吳銓字仲衡類有髯類

虎髯人爭稱為虎髯生自幼有大志常慕古豪傑
 為人遇邑中大繇役陰以兵法部勒見高山大澤
 便拍畫為扞禦之規然以禮自守為順子為悌弟
 悉無慚志尤喜近師友道在是不復計其年之崇
 卑便折節相尊事以故士類稍歸之時中原兵動
 東郡李侯辟為行軍司馬使者凡再返生送使者
 曰為予謝李將軍方天下多故幕府得十倍才功
 猶半之我素疎加以閭劣即偕使者去無益萬分
 毫幸勿復來明當入深山矣無幾有言生於行丞
 相府丞相屬以行樞密院架閣之職且召與語生
 自度丞相決不能用其言乃不受更製竹皮冠服
 大布衣以自隱暇日窅窅然行松風中擊節自歌
 人莫識其所存何如也

全載
藝文

申屠澂

續宏簡錄元史字敬仲謹言端行為鄉里

所重性寡合望之容色毅然至有所請則溫煦和
 婉辨析必盡工古文辭春容簡奧精篆籀小楷咄
 咄秦晉辟本路教授辭不行晚節益堅有遺世獨
 立之意所著有孝全撫言數卷

宋汝章 戴良贈句無山樵宗生序汝章為學不事

章句頗通戰國時事善機變有胆畧慨然喜論兵

當兩浙兵起每退偃一室默計勝敗十不失一然

不輕出卒為句無一老樵 全載藝文

明

楊恒 明史隱逸傳字本初外族方氏建義塾館四

方遊學士恒幼往受諸經輒領其旨要文峻潔有

聲郡邑間浦江鄭氏延為師閱十年退居白鹿山

戴機冠披羊裘帶經耕烟兩間嘯歌自適因自號

鹿皮生太祖既下浙東命樂鳳知州事鳳請為州

學師恒固辭不起鳳乃命州中弟子即家問道政

有缺失輒貽書咨訪後唐鐸知紹興欲辟之復固

辭宗濂之為學士也擬薦為國子師聞不受州郡

辟命乃已恒性醇薦與人語出肺肝相示事稍乖

名義輒峻言指斥家無儋石而臨財甚介鄉人奉

為楷法焉

周瑾 公舉事實字孟瑾自號守一道人生有異質

於星歷筮卜雜算內算音律儒釋異國之書無不

通究前知如神每言吉凶禍福多奇中人擬之臨川張鐵冠然深自歎晦績密不言當建文帝時或勸之仕瑾曰俟三年後當更議之及靖難兵起瑾遂決意不仕永樂元年詔令內外諸司各舉所知郡縣交辟之不就以青囊隱夜分輒登高處觀天晝則入深山中竟日不出同邑王鈺既及第踵門相訪欲薦之固辭鈺歎曰山深似太古日長如小年先生真神仙中人也瑾終以地理成名其所著地理指迷一書未梓購得者必手錄之珍為枕秘

國朝

俗傳瑾初投陳友諒既而察知天文分野不在江西乃逃歸或傳寧王聘之既而察知天文分野不在江西遂歸隱皆大謬不然考周氏譜牒瑾以洪武庚申生成化卒郊卒前後皆不同時焉可誣也

陳洪綬

朱彞尊陳洪綬傳字章侯年四歲就塾婦

翁家翁方治室以粉堊壁既出誠童子曰毋汙我壁洪綬入視良久給童子曰若不往晨食乎童子去累案登其上畫漢前將軍關侯像長十尺餘拱而立童子至惶懼號哭聞於翁翁見侯像驚下拜遂以室奉侯既長師事劉公宗周講性命之學已

而縱酒狎妓自放頭面或經月不沐客有求畫者
雖罄折至恭勿與至酒間召妓輒自索筆墨小夫
稚子無勿應也嘗留杭州其友召之飲期於西湖
上洪綬往遇他舟徑登其席坐上坐飲主人徐察
之知為洪綬也亟稱其畫洪綬大駭曰子與我不
相識也拂袖去崇禎壬午入貲為國子監生明年
還里既遭亂混迹浮屠自稱老遲亦稱悔遲亦稱
老蓮按洪綬幼名蓮子及其老也名老蓮僧名悔遲亦或稱老遲縱酒狎妓如
故醉後語及身世離亂輒慟哭不已後數年以疾

卒洪綬妻胡淨鬢亦能畫花草

紹興府志雲間陳繼儒曰章侯

畫為上字次之詩又次之

謹按紹興府志陳洪綬列隱逸亦列方技世稱王右軍才識絕倫觀其與殷深源及會稽王書是殆以書法掩之章侯之入方技是亦以畫掩耳抑隱逸逃名者也然非名遍寰區固未敢輕以相許章侯名甚著其見推於當時名公鉅卿已畧見于藝文志中而施愚山觀嚴水子畫人物引則直以高士目之斯即汝南月旦評矣以列隱逸豈有易焉

史漢不傳隱逸然留侯之言曰碩上所不能致者

四人四人者誠高士其隱逸之流歟光武側席幽

人旌帛蒲輪之徵賁交望於道如嚴光諸人遠性

風跡逸情雲上不可羈縻故東漢之氣節特高栗里而後風斯下矣放利之徒至有號終南嵩少為仕途捷徑者高尚之節安在暨邑自謝敷采紫石英於烏帶山久為處士幽棲之所而宋元以來傳者僅僅數人豈誠季世慕榮高蹈者少耶抑蟬蛻塵埃之中放情宇宙之外松山桂渚碧澗清潭沒焉終老不復留姓氏於人間耶乃隱逸本不求人知而人之知之者即以隱逸而傳之含真養素托迹沈冥盛世不可無其人一以崇尚風節一以闡發幽光逸民高士之傳何可缺也今志所錄若干人其才皆足用世而能拔俗如是頑廉懦立可以為名教功矣

沈椿齡識

附里居

元 吳宗禮 元 吳宗元 列鄉矣
 元 方鑑 入鄉矣
 周茂樞
 蔡英

名臣

姚憲 台輔坊
 元 王良 店口 入鄉矣
 明 呂升 西鵑
 明 駱問禮 楓橋
 陳性學 楓橋
 駱方璽 楓橋
 清 余縉 高湖
 馮勸 祝家鵑
 謝仲斌 迴隊
 湯聘 湯村

明明

宋

忠節

楊欽 十都 入鄉矣
 宋 何雲 宣何 子嵩 入鄉矣
 宋 朱光 十六都 入鄉矣
 張軫
 元 胡存道 十都 入鄉矣
 明 蔣文旭 十三都

姚長子

明傅日炯 中黃 涓池

傅商霖 涓池

張鵬翼 功德司

吳愷 嶺後

周于德 大林

鄴引昌 後街 念忠孝

朝宣德仁 元儒 長瀾 念忠孝

循吏

黃宗卿 廊下

朱戩

姚宏 台輔坊

王琰 相門坊 入柳吳

趙令詔 南門

鄴元亨 後街 入柳吳

王孟暉

方自新 白門

鄭宏 泰南

馮謙 祝家鵑

明徐琦 廷振 牌軒下

蔣憲 十三都

陳祥 北隅

明陳翰英 廷獻 楓橋

駱瓏 楓橋

趙有仁 南門

陳鶴鳴 楓橋

陳善學 楓橋

姚一鸞 姚公埠

楊肇泰 楊家樓

郭元佐 江東

蔣爾琇 黃家埠

孫紀 孫家溪

駱啟明 楓橋

章平事 三都

錢洪表 江藻

壽佺 墨城

余毓澄 高湖

樓績 十五都

楊三炯 楊家樓

壽致浦 墨城

傅學灝 直埠

楊侯 楊家樓

翁維寧 翁家埭

武功

姚舜明 台輔坊 入柳吳

孟載 十二都

宋張定 紫草鵑 入柳吳

宋

明 宋

皆在里居

附里居

宋

楊賢 十都

楊實 全塘

蔣貴 山塘

錢時 江藻

儒林

張堅 入鄉兵

宋黃開 廊下 入鄉兵

姚寬 台輔坊

王厚之 相門坊 入鄉兵

陸唐老 狀元坊

元俞漢 花山

胡一中 十都

元楊維禎 全塘 入鄉兵

元王冕 九里山 入鄉兵

陳洙 孝義鄉

陳大倫 流子里

陳潛

黃鄰 南郭

明郭斯屋 馬鳴

明駱象賢 楓橋

鄭欽 泰南 天鵬

駱驥 楓橋

鄺琥 後街

蔣一鵬 三環

蔣公允 十三都

鄺洙 後街

朱長庚 邑城

國朝楊學泗 楊家樓

余懋棟 高湖

文苑

黃育 橫山

劉仲懷

申屠性 花亭鄉

錢恒

孟性善 十二都

楊維翰 全塘

申屠震 龍泉鄉

黃源

王季楚 店口

張世昌 諸山鄉

鄭賀

陳嘉謨 店口

陳嘉績 店口

陳韶 店口

張辰 大部鄉

姜漸

駱問孝 楓橋

明陳子朝 楓橋

者查絲志

卷三

附里居

九

明明

宋宋

張夜光 平潤

陳克建 店口

楊肇祿 楊家樓

鄺祖仁 後街

邊信 同山

許爾秀 同山

趙式 南門

魏夏 楓橋

駱炎 楓橋

壽致潤 墨城

毛鈺 楓橋

余懋杞 高湖

壽奕磐 墨城

蔣宣奇 黃家埠

周晉 蕪溪

錢曰布 江藻

傅學沆 直埠

黃國鳳 橫山

孝友

賈恩 孝義鄉

唐張萬和 大部鄉

黃嘉禮

楊文脩 全塘

元丁祥一 楓橋

孔明允 孝義鄉

樓昇

石渠 東郭

吳鉅 流子里

黃慎

黃珂

周元助

丁羨

楊宗暉 楊家樓

明趙紳

袁徵

郭琬

郭三省

陳泰階 北隅

鄺民法 後街

何時化

何瑞麟 宣何

錢芳肅 江藻

傅儲

樓墨林 鳳儀樓

鄺逢新 後街

姚光國

趙璧 浮塘

陳元杰

朝張瑞虬 東蔡

趙世相 南門

鄺之樞 後街

袁仁 江東

朝國朝國

鍾天覺 北門

石璩珍 浮橋下

許嘉 同山

沈應春 同山

鍾英 北門

趙泰 南門

趙氏壁 水磨頭
入志孝

趙泰 南門

義行

黃振 廊下
入鄉矣

宋黃汝楫 廊下
入鄉矣

吳作禮

王理 店口

吳和

陳志寧 店口

方鎰 白門

黃新 廊下

吳宗元 流子里

宣元

洪範 大部鄉

明郭日孜 馬塢

應行簡

樓守道

樓成楨 楓橋

周國琳 蕪溪

傅雨 涓池

邊應祥 同山

楊芳 山下楊

楊燦 全塘

樓暹 十五都

沈大儒 同山

蔣奇芬 磨石山

樓越凡 凰儀樓

鄺球 後街

石有光 浮橋下

王全 王旭

蔡廣生 烏巖

楊文燦 楊家樓

趙光仁 南門

郭元宰 江東
入鄉矣

陳爾康 店口

應敬 應店街

袁麟徵 江東

楊如瑤 十九都

卓行

周靖 三踏埠

陳協 店口

楊宏 全塘

虞元善 虞村

翁思學

毛倫 東郭

方案 白門

張英 北門外

趙仁 朱湖

王允升 晉水

錢存源

孫述可 明 孫家溪

駱觀光 楓橋

王堂 店口

黃池 橫山

華岳 陟壘

余元文 高湖

余綸 高湖

史繼鱒 紫草塢

傅均 涓池

余毓湘 高湖

馮應求 祝家塢

蔣楷 七里

隱逸

吳銓 流子里

申屠激 花亭

元

吳雄 入鄉矣

宋汝章 句無山

楊恒 清潭

周瑾 三踏塢

陳洪綬 楓橋

補編

蔣子濬子重良

公舉事實字晚莊萬歷元年家遭

命案季弟被逮母氏愛憐少子慟幾絕子濬遂詣

官獨承之竟死獄中子重良字思源白塔湖界連

歷山湖歷山湖決則白塔湖悉沉水底衆議另築

新塘埂重良買捐田四十二畝

樓宗夏

公舉事實字錫疇捐田百畝公諸祠半為

義學歲延經蒙兩師半為義倉歲歉散給於雍正

七年詳憲立碑其後子若孫於義學續置三十畝

言暨鼎志 卷三
義倉續置七十畝以養以教鄉人賴之

右三人於志既告竣
呈請准入故補錄之

附里居

蔣子濬七里

樓宗夏 楓橋

諸暨縣志 卷三十一

恩倖

魯南豐謂銘誌義近於史而與史異余謂邑之有志義近於銘誌而與銘誌亦異史於善惡無所不書銘誌書善而已邑之有志則亦未始不可兼書善惡不惟置之無有所紀遂以使其愧而懼也漢書有恩澤侯表又有佞倖傳而宋書採其名列為恩倖篇鼠憑社貴狐藉虎威雖欲置之無有所紀又可得乎謹為錄而出之志恩倖

南北朝

阮佃夫

宋書恩倖傳元嘉中出身為臺小史太宗

初出閣選為主衣世祖召還左右補內監永光中太宗又請為世子師甚見信待景和未太宗被拘於殿內住在秘書省為帝所疑大禍將至惶懼計無所出佃夫與王道隆李道兒及帝左右琅邪淳于文祖謀共廢立時直閣將軍柳光世亦與帝左右蘭陵繆方盛丹楊周登之有密謀未知所奉登之與太宗有舊方盛等乃使登之結佃夫佃夫大說先是帝立皇后普暫徹諸王奄人太宗左右錢藍生亦在其例事畢未被遣密使藍生候帝慮事泄藍生不欲自出帝動止輒以告淳于文祖令文祖報佃夫景和元年十一月二十九日晡時帝出幸華林園建安王休仁山陽王休祐山陰公主並侍側太宗猶在秘書省不被召益憂懼佃夫以告外監典事東陽朱幼又告主衣吳興壽寂之細鎧主南彭城姜產之產之又語所領細鎧將臨淮王敬則幼又告中書舍人戴明寶並響應明寶幼欲

取其日向曉佃夫等勸取開鼓後幼豫約勒內外使錢藍生密報建安王休仁等時帝欲南巡腹心直閣將軍宋越等其夕並聽出外裝束唯有隊主樊僧整防華林閣是柳光世鄉人光世要之僧整即受命姜產之又要隊副陽平聶慶及所領壯士會稽富靈符吳郡俞道龍丹陽宋逵之陽平田嗣並聚於慶省佃夫慮力少不濟更欲招合壽寂之曰謀廣或泄不煩多人時巫覡云後堂有鬼其夕帝於竹林堂前與巫共射之建安王休仁等山陰主並從帝素不說寂之見輒切齒寂之既與佃夫成謀又慮禍至抽刀前入姜產之隨其後淳于文祖繆方盛周登之富靈符聶慶田嗣王敬則俞道龍宋逵之又繼進休仁聞行聲甚疾謂休祐曰事作矣相隨奔景陽山帝見寂之至引弓射之不中乃走寂之追而殞之事定宣令宿衛曰湘東王受太后令除狂主今已平定太宗即位論功行賞壽寂之封應城縣侯食邑千戶姜產之汝南縣侯佃夫建城縣侯食邑八百戶王道隆吳平縣侯淳于

文祖陽城縣侯食邑各五百戶李道兒新塗縣侯
繆方盛劉陽縣侯周登之曲陵縣侯食邑各四百
戶富靈符惠懷縣子聶慶建陽縣子田嗣將樂縣
子王敬則重安縣子俞道隆茶陵縣子宋逵之零
陵縣子食邑各三百戶佃夫遷南臺侍御史薛索
兒渡淮為寇山陽太守程天祚又反佃夫與諸軍
討之破索兒降天祚遷龍驤將軍司徒參軍率所
領南助赭圻轉太子步兵校尉南魯郡太守侍太
子於東宮泰始四年以破薛索兒功增封二百戶

并前千戶以本官兼遊擊將軍假寧朔將軍與輔
國將軍兼驍騎將軍孟次陽與二衛參員直次陽

字崇基平昌安邱人也位冠軍將軍卒

本南史節
七十三字

時佃夫王道隆楊運長並執權柄亞於人主巢戴
大明之世方之篋如也嘗值正旦應合朔尚書奏
遷元會佃夫曰元正慶會國之大禮何不遷合朔
日邪其不稽古如此大通貨賄凡事非重賂不行
人有餉絹二百匹嫌少不答書宅舍園池諸王邸
第莫及妓女數十藝貌冠絕當時金玉錦繡之飾

宮掖不逮也每製一衣造一物京邑莫不法效焉
於宅內開瀆東出十許里塘岸整潔汎輕舟奏女
樂中書舍人劉休嘗詣之值佃夫出行中路相逢
要休同反就席便命施設一時珍羞莫不畢備凡
諸火劑並皆始熟如此者數十種佃夫嘗作數十
人饑以待賓客故造次便辦類皆如此雖晉世王
石不能過也泰始初軍功既多爵秩無序佃夫僕
從附隸皆受不次之位投軍人虎賁中郎傍馬者
員外郎朝士貴賤莫不自結而矜傲無所降意入

其室者唯吳興沈勃吳郡張澹數人而已泰豫元
年除寧朔將軍淮南太守遷驍騎將軍尋加淮陵

太守太宗晏駕後廢帝即位佃夫權任轉重兼中
書通事舍人加給事中輔國將軍餘如故欲用張

澹為武陵郡衛將軍袁粲以下皆不同而佃夫稱

敕施行

南史又廬江何恢有妓張耀華美而有寵

悅之頻求恢曰恢可得此人不可得也佃夫拂衣
出戶曰惜指失掌耶遂諷有司以公事彈恢凡如

粲等不敢執元徽三年遷黃門侍郎領右軍將
軍太守如故明年改領驍騎將軍其年遷使持節

督南豫州諸軍事冠軍將軍南豫州刺史歷陽太守猶管內任以平建平王景素功增邑五百戶時廢帝猖狂好出遊走始出宮猶整羽儀引隊伍俄而棄部伍單騎與數人相隨或出郊野或入市廛內外莫不懼憂佃夫密與直閤將軍申伯宗步兵校尉朱幼于天寶謀共廢帝立安成王五年春帝欲往江乘射雉帝每北出常留隊伍在樂遊苑前棄之而去佃夫欲稱太后令喚隊伍還閉城門令人守石頭東府遣人執帝廢之自為揚州刺史輔政與幼等已成謀會帝不成向江乘故其事不行于天寶因以其謀告帝帝乃收佃夫幼伯宗於光祿外部賜死佃夫幼罪止一身其餘無所問佃夫時年五十一

Blank manuscript page with vertical columns.



卷之二